

TETIKASA « TAMBERINANDRAIKITRA ETO MADAGASIKARA : FAMPIHARANA NY TEÔRIA »

Lohateny : Fiofanana ho an'ny tanora momba ny haitarika, ny tamberinandraikitra, ny ady amin'ny kolikoly ary ny fitondrana feo

Toerana : Ambatondrazaka

Faharetany : 4 andro

Fotoana : 14 hatramin'ny 17 martsa 2017

I - Hodidina

Na dia eo aza ny fandrosoana amin'ny fampianana ny demokrasia tsikaritra tao anatin'ny telo taona izay, dia mbola mitoetra ho firenena marefo ara-politika, indrindra ara-toekarena sy ara-tsosialy hatrany i Madagasikara. (Razafindrakoto et al., 2015). Tsapa fa misy elanelana matetika eo amin'ny fitsim-pitondrana, ny rafi-pitsarana sy rafi-pitantanana ny fiananan'ny vahoaka andavanandro sy ny hetahetan'izy ireo. Tsy dia heverina loatra ny hetsika eny ifotony izay endrika iray isehoan'ny fandraisan'anjaran'ny vahoaka amin'ny fiainam-pirenena. Anisan'ny maneho ny faharefoan'ny demokrasia eto Madagasikara ny tsy fahampian'ny sehatra ahafahan'ny olompirenena mandray anjara feno sy mihetsika. Izany no mahatonga ny tsy fisian'ny fampiharana ny tamberinandraikitra sy ny fanaovan'ny mpitondra fanjakana tatitra momba ny fitantanan-draharaham-panjakana. Araka ny vokatra ny fikarohana nataon'ny Transparency International tamin'ity taona 2016 ity sy ny singa mamaritra ny fandrosoan'ny maha-olona dia mbola anisan'ireo firenena anjakan'ny kolikoly be indrindra i Madagasikara. Amin'ireo firenena 174 nanaovana fanadihadiana, dia laharana faha 133 no nisy an'i Madagasikara. (Vondrona valo, toa an'ny Banky Iraisam-pirenena, sy ny Banky Afrikana ho an'ny Fampandrosoana no nanatanteraka io fanadihadiana io niaraka tamina mpandraharaha ara-toekarena iraisam-pirenena. Tokony hampitomboina ny ezaka efa natomboka ho amin'ny fanomezana vahana ny fahaiza-mitantana (tafiditra amin'izany ny ady amin'ny kolikoly) sy ny tamberinandraikitra.

Araka izany, fanamby maro no tsy maintsy mbola hihoarana, toy ny fanamafisana orina ny rafim-panjakana, ny famerenana ny fitokisana eo amin'ny vahoaka sy ny mpitondra fanjakana, ny fampiroboroaboana ny tany tandalàna sy fanjakana tsara tantana, sy ny fanaraha-maso ny asam-panjakana amin'ny alalan'ny firotsahana antsehatra mahomby ataon'ny fiarahamonimpirenena. Izany indrindra no anton'ny tetikasa "Tamberinandraikitra eto Madagasikara: fampiharana ny teôria." Izy ity dia fitaovana iray hivoizana ny tamberinandraikitra sy ny fandraisan'anjaran'ny olompirenena amin'ny fanaraha-maso ny fiainam-pirenena sy ny fiainana politika. Efatra no Vondrona mpiaramiombonantoka miara-misalahy amin'ny fampanjariana ny tetikasa dia ny : Centre Européen d'Appui Electoral (ECES), ny Fikambanana Liberty 32, ny Fikambanana tsy miankina amin'ny fanjakana Tolotsoa, ary ny Center for Creative Leadership (CCL). Ny Masoivohon'i Etazonia eto Madagasikara no mpanohana ara-bola ny tetikasa, izay haharitra herintaona.

Iray amin'ireo asa goavana indrindra ho tanterahina ny fanamafisana ny fahaiza-manaon'ny fiarahamonimpirenena, izay misolo tena ny olompirenena amin'ny alalan'ny fiandraiketana ny fanaraha-maso ny mpitondra fanjakana sy ny fiainam-bahoaka ka milaza izay hita sy tsapa fa tsy mety, sy amin'ny alalan'ny fanabeazana ny olompirenena.

Ao anatin'izany, taorian'ny fiofanana izay nomena ny tanora mpitantsoroka avy amin'ny faritra samihafa tamin'ny volana desambra lasa teo, ireo mpiaramiombonantoka amin'ity tetikasa ity dia hanome **fiofanana ho an'ny tanora avy amin'ny faritra Alaotra Mangoro**, izay hiompana amin'ny haitarika, ny tamberinandraikitra, ny ady amin'ny kolikoly, ary ny fitondrana feo.

II - Tanjon'ny fanofanana

Ny fanomezana vahana ny fandraisana anjaran'ny tanora amin'ny fiainam-pirenena amin'ny alalana hetsika sy tetikasa miainga eny ifotony no tanjona lehiben'ny tetikasa.

Ireto kosa no tanjon'ny fanofanana :

- Hamporisika ny tanora haneho hevitra sy hiara-hiasa ka hamafisina ny fahaiza-manaony eo amin'ny lafiny haitarika;
- Hampita amin'ny tanora ny kolon-tsain'ny tamberinandraikitra sy ny fahaiza-mitantana (indrindra fa ny ady amin'ny kolikoly);
- Hanamafy ny fahaiza-manaon'ny tanora amin'ny lafin'ny fitondrana feo;

- Hanampy ny mpisehatra amin'ny famolavolana sy fanatanterahana hetsika eny ifotony ka hahatonga azy ireo ho mpitondra fanovana.

III - Fomba fiasa

Mifototra amin'ny fampandraisana anjara mivantana sy ny fifanakalozana ny fomba hitondrana ny fanofanana:

- Fampiasana « Power Point »
- Asa an-tarika sy fanehoana vokatra iraisana
- Fampiharana
- Kilalao
- Fandefasana horonan-tsary arahina adihevitra
- Takalo sy fifampizarana traikefa

IV - Mpisitraka

Mpisitraka : Tanora 18 ka hatramin'ny 30 taona

Ireto avy no takiana amin'ireo maniry handray anjara :

- Mipetraka ao amin'ny faritra Alaotra Mangoro;
- Manana tetik'asa na hetsika tiana ho tanterahina ;
- Mahafantatra ny atao hoe olompirenena mandray anjara amin'ny fiainam-pirenena sy ny atao hoe demokrasia ;
- Mahalala ny mombamomba ny tontolo politika eto Madagasikara sy ny zava-misy eny ifotony eo amin'ny lafin'ny ara-toekarena, sosialy sy politika ;
- Mety hanampy ny fandraisana anjara mavitrika anatina fikambanana ;
- Mety hanampy koa ny efa nisahanana hetsika eny ifotony.
- Mahazo sy afaka manoratra teny frantsay ;
- Malalaka mandritry ny fotoan'ny fiofanana ary vonona sy afaka manatanteraka tetikasa eny ifotony ka hatramin'ny septambra 2017 ;

V - Fomba fametrahana ny antotan-taratasy

Izay liana dia afaka mandefa ny fangahatahana fandraisana anjara amin'ny mailaka dina.ranaivo@eces.eu farafahatarany ny **02 martsa 2017**. Ireto avy no mandrafitra ny antotan-taratasy: taratasy fangatahana nofenoina araka ny tokony ho izy, taratasy milaza ny mombamomba ilay olona (CV) miaraka amin'ny sary tapaka nalaina vao haingana.

Ireo antotan-taratasy voafantina ihany no haharay antso.

Raha mila fanampim-panazavana dia antsony ny 22 204 31 na 032 11 026 04

CONSORTIUM DE MISE EN OEUVRE DU PROJET



Partenaire financier



TARATASY FIROTSAHANA

FANOFANANA TANORA ETO MENABE

1. Ny mombamomba anao

Anarana :	
Fanampin'anarana :	
Taona :	
Lehilahy <input type="checkbox"/>	Vehivavy <input type="checkbox"/>
Asa atao :	
Finday :	
Mailaka/Facebook :	
Adiresy :	
Fari-pahaizana :	
Anaran'ny fikambanana manolotra (raha misy) :	
Andraikitra sahanina ao anatin'ny fikambanana (raha misy) :	

2. Maninona ianao no te handray anjara amin'ity fifampiofanana ho an'ny tanora ity ?

.....
.....
.....
.....

3. Inona ny fiovana tianao ho entina eo anivon'ny fiarahamonina ?

.....
.....
.....
.....

4. Efa nanatanteraka hetsika/tetikasa teny ifotony ve ianao ? Raha eny, inona avy izy ireo ?

.....
.....
.....
.....

5. Ahoana ny fomba hizaranao sy hampiharanao ny zavatra notovozina aorian'ny fiofanana ?

.....
.....
.....
.....